

定襄縣志叙

襄之有志也自己外無極安公始徵之矣先是世廟末逸士劉紹先掇拾郡乘之舊益以所聞見次第其事藏之且久而未有定裁安公取而潤色之而一邑之志乃成志地理則無恤

之雄圖可馮而吊也志賦役則瘠土之窶氓可撫而有也志建置則規創之大畧可拓而飾也志秩祀志宦業則事神治人之義可縷而指也志人物志藝文則徵文攷獻之故可學而識也混沌之習剖為文明襄之山川

神靈咸嘉賴之固一時甚盛舉也第
簡衷弗清謐繕且惡而諸所紀載亦
多畧而弗賅存而弗核如晉太傅劉
殷誤為襄人猶曰炘襄舊相屬也乃
漢冠軍侯霍去病博陸侯霍光反遺
而未錄山川無恙亦率有存亡它可

知耳豈事躋於創始作者不任誤遺
而義無取於襲訛述者何妨洗刷矧
時閱數十載之久中間新故之相推
損益之相乘沿革之殊勢質文之互
變曰異而目不同又非復疇曩之梗
概矣嘗試為之卒業不覺有揮毫吊

古之想爰自

奉璽書臨蒞以來日諮訪鄉紳故老
間得於所聞輒記諸穎楮思一旦更
更而為之猶存乎見少也頃者再從
玉帛之會而還計爪期特將非稍一
折衷而更鐫之前念終成虛矣始聚

二三文學共相揚挖裒輯而授余余
不厭紬繹為之去瑕葺敝加以新裁
增所未有或謀於同或斷於獨筆削
其文詞庚置其卷帙益以災祥志備
修穰者之採擇之閱月而告竣雖於
舊章多所決裂然釐正增損總歸於

斥膺存真以無謬於是非之實而止則安公之意且得余始暢祀宋之歎可無作矣付之剗劂氏以俟將來斯亦一方文獻得失之林也乃余則尤有深計焉今夫家督總一家則自內及外垣屋菑畚以逮窖廩孳畜亞旅

奴僕之屬靡不時時料理息息補救稍未就緒汲汲焉忘日夜廢寢食而圖之猶慮瘠耗偶偏失其故也所云不愧家兒者類若此况提有四封之內有乎又况瘠疲如襄而可不時為之

置念乎蓋嘗歷覽疆域周察風土而
知其地非有沃衍之澤也其民非有
蓋藏之富也其俗又非有敦龐不變
之風也故得其治則歡欣鼓舞人有
樂生之心不得其治而疾首蹙額轉
徙立至矣守土者奈何不念及此也

念之此其時矣此建置田賦余毅然
與之更始每篇之中三致意焉

皇天后土寔式臨之即起安公印可
於一堂不知幾為躊躇幾為太息而
余能一日忘襄民乎哉後之君子以
愛一家之心愛此一方民要於厚下

無務必同期在便國不嫌因應
天子前席而問蒼生執此臚列陳之
則豈惟襄之凋瘵庶幾有瘳將文治
之隆永底無斁斯志之作又奚翅僅
僅傳信已也余且藉手為襄人歌樂
利於無窮耳

萬曆丙辰歲孟秋既望

知定襄縣事豫章王立愛孩之父書
于如水清署

定襄縣志目錄

凡條 四條

圖 五

第一卷地理志

沿革 星野 疆域 形勝 山川

都里 烽堠 水利 坵墓 古蹟

集場 風俗

第二卷建置志

定襄縣誌

卷之目錄

一

城池 縣志 學校 公署 枋楔

舖舍 橋梁 兵防

第三卷田賦志

戶口 地糧 徭役 里甲 郵傳

課鈔 匠役 屯田 物產

第四卷秩祀志

壇壝 寺觀 祠廟

第五卷官師志

守臣 知縣 縣丞 主簿 典史

教諭 訓導 巡檢 倉大使 訓術

訓科 僧會 道會 部使 名宦

第六卷人物志

薦辟 鄉舉 進士 鄉貢 應例

掾屬 武功 武舉人 武進士 世襲

封贈 恩蔭 鄉賢 孝義 節烈

隱逸 流寓 僊釋

定襄縣誌

卷之目錄

二

第七卷灾祥志

災異 祥瑞

第八卷藝文志

碑文 墓祭文 詩詞

目錄終


凡例

一 舊志太畧且事未盡核今攷歷代正史大明一

統志山西通志郡志各州縣志增定其有遺事

可稽及鄉紳父老所傳聞鑿鑿有據者亦拜收
 入存一方文獻也掛漏尚多以俟後之君子
 一官師間有貶詞仍舊志之一二其不盡削者嫌
 於專也續志不復置貶竊附于隱惡之意耳
 一臺使監司無論久近必書名者經濟石畫今後
 之人得有所攷名實竝傳不朽也
 一藝文率多增入者以名篇麗句未可湮沒不傳
 間有為其事而存者又不在此例也





定襄縣誌

圖


五






定襄縣誌

圖







定襄縣誌

圖

七





定襄縣知縣王立爰增修

舉人劉定宇

梁 綵

鞏良定

薄匡宇

夏立極 全校

生員劉國治 喬遷樞

王 舉 鄭 全輯

定襄縣志卷之一

地理志

夫履方履者察地形不出戶而知天下其綜覽博也稗官小史耳剽目涉猶有風土之記方制之載親蒞茲土而弗能舉其籍胡以自鏡也余攷定襄於晉為邊土疆域至弱小也非有形勝之固可難樓季之犯然自晉趙以來號令凡九嬗遞因遞遞守遞據焚然多變則藺子之故堞足睹記矣天

定襄縣誌

卷之一

地理一

官所稽分野纏度且不能合況其它乎居今之世志古之道異同有間矣作地理志

沿革

定襄古冀北之埜舜疆理天下分冀東恒山之地為拜州則隸并禹貢復為冀州殷因之則隸冀周成王以封弟叔虞曰唐曰有晉水其子燮更號晉則隸晉戰國時趙襄滅智伯分晉地三分一屬趙秦始皇併趙置太原郡屬太原漢為太原陽曲

縣地東漢末民為羗擾他徙其地遂空建安中曹操驅聚塞下流民以實地始置定襄縣屬新興郡魏晉因之惠帝時遷弘農人楊劍等三千戶於此改晉昌縣屬晉昌郡後魏改秀容縣屬肆州復為定襄與平寇蒲子三縣竝未有城北齊武成河清二年周將楊忠襲并州不克而還遂於古城北面築城置三縣其中移肆州于雁門隋初復立新興郡尋廢開皇十年西移平寇于代州之崞縣省定襄縣屬

國朝并秀容於忻州仍之襄編戶二十里嘉靖十一

年併一十九里萬曆二十一年置中路寧武道遂為三關邊縣

按沿革第據史所載并輯忻志成文舊志漢有定襄太守唐有定襄道行軍總管之襄都督府司馬之類而漢未嘗置郡置府何以稱太守都督且雲州定襄大同志載應翔之地此何以說也忻志金復為定襄郡置刺史屬河東北路及閱官師率云知忻州人何也如一秀客耳或并之襄或并忻州竝難辯別則沿革安能盡合哉史闕文大都類此存而不論可矣

星野

太史公曰趙地昴畢分埜定襄屬趙地則分野當在

定襄縣誌

卷之一

地理三

昴畢無疑其云一度僅管百里天道渺茫何從量度郡志謂太原正當參井縣舊志謂當東二十八九度之間又不知何所攷即日囿于天之下而未可辯也

疆域

定襄在府治東北一百八十里東界五臺縣邊家莊七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經紫

荆關至北京九百里東南驛路經固關至北京一千

三百四十里

形勝

叢蒙山峙其南卧虎山踞其北東枕牛臺西拱藍

阜牧馬水前潞滹沱水後繞襟山帶河儼然四塞之國

誠一方保障而三關鎖鑰也

山川

虎頭山

縣治西南三十五里以形名

定襄縣誌

卷之一

地理四

紅泉山

縣治西南三十里山洞石紅類珠砂泉源不絕故名御史賈統嘗讀書于此

叢蒙山

縣治南二十五里群峯聯絡至此端聳春夏雲氣合輒雨有兩霽侯廟景標蒙山雨霽

詩見
藝文

居士山

縣治東南二十五里山下泉流側畔石室有古碑剝落詳隱逸唐王維兄弟嘗讀書於此

萬曆三十四年建塔本山以巽峰宜文秀三十七年偶旱劉裨村人妄毀之可歎也

窩頭山

縣治東南二十五里穿窩取炭故名上有羊腸占

團城山

縣治東南二十五里趙盾避難遇晚令軍士色土築城止宿故名猶存遺跡

七巖山

縣治東南十八里以石洞凡七得名中洞最奇為惠應聖母祠相傳即為七巖不知此

特其一耳深可二十餘丈廣殺三之一高可
二丈餘形覆而四垂雖夏旱水滴如散珠不
絕最後一井斗大滴水長注不盈頻取亦不
涸旱禱輒應知縣王立愛題曰惠泉井之上
一小巖史幽窈可愛洞隅而遽正對夕陽恍
然異境又題曰惠泉第一洞天有聯云巖窮
自天開影倒夕陽洞外嵐烟頻靄翠泉流從
石出机涵太極箇中風雨驟興雲景標七巖
晚點詩見藝文右一岩先是土解忽現巨石
狀如獅好事者因而肖之今題曰獅石巖側
北一巖亦奇今題曰寶符巖取趙簡子藏符
北嶽之義有聯云北嶽幻奇日暎巖扉神發
祕南天來爽風
清花底路生香

八峰尖山

縣治東南三十里一山八峯

琵琶山

縣治東南十五里以形名

定襄縣誌

卷之一

地理五

紅沙山

縣治東南十五里山沙盡紅故名

武峪山

縣治東南十五里有藏孤臺見古蹟

熊兒水山

縣治東南三十里山故未有水一日熊入山中往眎之水湧出遂名

暖窰山

縣治東南四十里以氣名士多結屋讀書于此

武子谷山

縣治東二十里峰巒高峻散客多游賞

五石峪山

縣治東二十里雲合致雨

十八盤山

縣治東三十里盤旋而上一十八轉也故名

神山

縣治東北十五里平地壘石突兀如盤似所遺而成元好問嘗讀書于此因號遺山有一丘一

壑真堪老旦具神山煙景休之句上有佛寺
莫考創始之年霜檐鉄壁迥絕塵俗景標神

山古刹詩

見藝文

聖阜山

縣治東北二十里峻聳秀特舊有高楼可眺
遠今廢下出温泉有釣魚臺蓮花池五僊洞

仙人足石蓋勝境也水經云滹沱水東流

聖人阜北指景標聖阜危樓詩見藝文

牛臺山

縣治東北三十里李子敬避居于此人號李
牛臺

五公山

縣治東北四十里五僊煉丹於此故名

段木山

縣治東北四十里

青石山

縣治東北四十里

定襄縣誌

卷之一

地理六

紫石山

縣治東北三十五里

漆郎山

縣治北三十里即柏樹嶺山洞內刻漆郎像
即豫讓漆身處也洞外石上有足跡馬蹄跡

鐵石山

縣治北三十里其石重黑能吹鉄

大小龍山

縣治北三十里

卧虎山

縣治北三十里

趙老懷山

縣治北三十里

横山

縣治西北三十里衆山東西此獨南北故名

鳳凰山

縣治西北三十里

龍頭山 縣治西北三十五里

滹沱河水

發源繁峙縣東秦戲山一名孤山列如品字名三泉合三年泉北樓口華嚴嶺諸水西流出繁峙縣北經代州崞縣至忻口東折入之襄橫北東涿陵遼縣治如帶每春時南岸堅冰先泮景標沱水冰消詩見藝文河水抵五臺入真定

牧馬河水

發源忻州西南白馬山至牛尾莊合諸水出州南東流南環之襄如帶東北入滹沱河水經云白馬之山牧水出焉即此

雲中久

由安義縣藍臺經西營羊房村東北入滹沱河俗呼天草河

三會泉

在叢蒙山麓一龍液泉一呂布池一娘娘池並出合流歷四時不涸浸灌數里平蕪一望

定襄縣誌

卷之一

地理七

溫泉

綠野襄邑稻谷盡出于此與太原晉水相似特其分數為耳景標三會清泉見藝文在聖山下有三穴長流唐龍翔中嘗賜錦幡

暖泉

在龍頭山麓夏涼冬暖

甘泉井

在小南門外相傳趙襄子時所鑿味極甘

惠民井

在西門外正德間知縣張榮穿至今民賴焉

都里

額編二十里後并一十九里在城為廂在鄉為都

在城領二廂三都

南關廂

西關 南关 董村 附郭水地少厥田上

北關廂

東關 北關 莊頭山 附郭水地少厥田上

待陽都

待陽村 南邢村 李家庄 地多下濕厥田上

劉暉都

劉暉村 南王村 窪頭村 地多陰南有山泉厥田上

趙村都

趙村 白鹿原舊建保 祠門刻畫龍更名龍門村 東王村 東鄴村 東劉村 百

泉嶠地無 水厥田中

城東五僊鄉領五都

王村都

小王村 南西鄴村 北西鄴村 崔家庄 王進村 師家灣 水地少厥田中

胡莖原都

胡莖原 神山村 史家岡 蔣村 砂村 高長村 趙家庄 張家庄 戎家

定襄縣誌

卷之一

地理八

庄 牛家庄 南庄村 小營村 土嶺村 河南坪 水頭村 水地少史家岡 礪确厥

中 田

高蔣都

鎮安村 東衛村 西衛村 衛青出 芝襄擊 匈奴屯兵于此故名 水地多厥田上上

牛臺都

牛臺村 芳蘭村 南作村 水地多厥田上上

青石都

青石村 山頭村 馬家窩 李家庄 地無水厥田中下

城南蒙山鄉舊領四都今拜三都

西邢都

西邢村 張村 西河頭村 西營村 庄 里村 澤里村 北藍台村 水地少厥田

中 下

智村都

智村 智伯故里 長安村 張趙村 南藍台村 春秋智襄子 自衛韓康子 魏桓子 趙

襄子 同宴藍台 有文台 武台 故名 水地 多厥田 上上

東霍都

中霍村 小霍村 西霍村 皆霍去病別業 故名 胡村 鐔村 白家莊 泉水地 厥

田 上

舊寇村都

寇村 嘉靖十一年 并入東霍 充下五甲 共為一都 山地 多厥田 下下

城西北鴻鳳鄉領三都

迴鳳都

迴鳳村 南林木村 北林木村 此地後凋 景標 林木 秋光 詩見 藝文 賈家莊 李家

莊 地多沙 厥田 下下

定襄縣誌

卷之一

地理九

神湯都

南受羅村 北受羅村 向陽村 于家莊 上湯頭村 下湯頭村 林里村 水地多

厥田 上上

北王都

東作村 西作村 南莊村 北莊村 高村 黃嘴村 後有黃土崗 如牛形 嘴前為村

故名 水地 多厥田 上上

城北青崇鄉領三都

辛安都

辛安村 無畏莊 許村 馬城村 北作村 刘念村 嘴子村 地燥 厥田 下

季莊都

季莊村 此地先榮 景標 季莊 春色 詩見 藝文 丘村 閻家莊 地 齊 厥田 下下

橫山都

橫山村 楊家岡 馬家營 地多 井 厥田 上

按邑之饒瘠係都里都野之饒瘠係土地土地肥沃則多產多產則人富而仁義附焉自無逋賦之虞其不然者則習俗效尤者耳土地瘠薄則少產則良善勉彊者耳定襄國初編戶二十里後并入寇村于東霍為十九里寇村雖疲未必盡無穫一入東霍堅逋不完官司第見東霍并都之額完已過半不知寇村十未完一二也是寇村借束霍以蔽逋而東霍之黠者又借寇村之逋為口實日相蒙于善逋中靡可得而辯也莫若論里東霍寇村合并為一論輸納東霍寇村仍分為兩饒瘠不溷催科自明至于各里土地之肥瘠耳目共睹事理易知地湧三泉東霍為最乃牛呂智村神湯北王高蔣待陽以次亞焉劉暉北关南关横山又以次亞焉胡彘原王村趙村又以次亞焉青石西邢漸不及格辛安斯下矣季庄寇村迴鳳則瘠疲

定襄縣誌

卷之一

地理十

甚也故論額賦雨暘恒若之歲迴鳳寇村季庄且難奠十之六七即天災流行之歲東霍無憂少減十之一二它則未免出入于天時人事間而未可懸乏者也至如南北关土地原非上上而賦不少逋智村神湯諸里土地僅亞于東霍而積逋為多則民俗醞梗之分耳由此推而論之其大畧概可睹矣然亦就襄土論次之若與省南諸土地並較饒瘠又非其倫矣是可為襄賦權衡也

烽堠

智村墩

西古城墩

俱西路

東古城墩

王進村墩

俱東路

小王村墩

蔣村墩

芳蘭鎮墩

青石墩 俱東北路

智村土堡

縣治西南十五里

張村土堡

縣治南十里

鐔村土堡

縣治南十里

待陽村土堡

縣治東南三里

劉暉村山寨

縣治東南十里

南王村山寨

縣治東南十五里

東鄴村土堡

縣治東十里

鎮安村山寨

縣治東北十五里至元間恒山軍作乱元帥樊天勝築寨于此迁台州之民以

寇避

神山村山寨

縣治東北十五里即在本山壘石盤嶠

定襄縣誌

卷之一

地理十一

蕎麥寨

縣治東北二十里蔣村勢極峻聳與神山寨隔河相峙

砂村山寨

縣治東北二十里

芳蘭村土堡

縣治東北三十里

牛臺村山寨

縣治東北三十里

青石村土寨

縣治東北三十五里

橫山村磚堡

縣治北三十里

上湯頭山寨

縣治西北三十里

向陽村土堡

縣治西北三十里

長安村土堡

縣治西十里

藍臺村土堡

縣治西十五里

水利

滹水渠

起湯頭村東遶橫山村經建安合河今廢元好問記見藝文

通利渠

從縣北過沙村至若蘭村深濶各一大初間於宋年久湮塞元至正五年復加開濬張惟

善記見藝文今廢

北受羅渠

起忻州白村經上下湯頭北受羅于家莊至迴鳳西沙坡

馬房營渠

起下湯頭入馬房營

南受羅渠

起下湯頭入南受羅村

北莊渠

起馬房營北經南受羅入北莊

南莊渠

起馬房營南經南受羅北莊南庄各村竟抵西東作兩村

黃嘴村渠

起代郡經南庄黃嘴竟抵高村

定襄縣誌

卷之一

地理十一

林木村渠

起高村西南經庄頭至林木村合泉水灌稻田

丘村渠

起高村西南經庄頭校尉營入丘村灣

藍臺村渠

起代郡經西營村入藍臺

南關渠

起代郡北經西營西河頭各村入西關

西關渠

起代郡南經羊房村入西關

北關南渠

起羊房村西經古城傍入北關

北關北渠

與南渠並列傍大河東行竟抵石牌灣

神山村渠

起庄頭村經北关王進村師家灣入神山即通利渠之故源也

王進村渠 從縣北抵師家灣 晉府屯地多賴焉

崔家莊渠 起庄頭經北关入崔家庄淤廢萬曆四十一年知縣王立爰查復開濬有碑也

趙家營渠 起崔家庄北入本村

衛村南渠 起崔家庄經鎮安村南神山村北抵南作村合牧家河

衛村北渠 與南渠並行從鎮安村中歷衛村抵管家營

許村渠 趙鎮安村經嘴子馬城各村竟抵刘念村

南作村渠 起衛村西北經管家營入南作村萬曆四十二年知縣王立爰新開

以上引滹沱河水

牧水渠 至元辛未間開自智村南引水入古城由西

高茂率巨族按
鄠村合河大明洪武二十七年忠義坊副使
跡再濬今廢

智村南渠 起忻州北霍村南入智村西

智村西渠 起本村西南入村東

智村新渠 起本村西南入村北萬曆四十一年知縣王立爰新開

西邢村渠 起智村東經西邢入張趙村

張村渠 起西邢村西經張村抵董村

以上引牧馬河水

鐔村渠

起呂布池合流北抵李家莊分四小渠

南邢村渠

起小霍池經南王南邢待陽各村至趙村合牧河有碑記

中霍渠

起三會泉水引灌

小霍渠

起呂布池引入卒村

以上引泉水

坵墓

周

趙襄子墓

在城東五里許周遭四十四畝三分六釐墓占一十一畝有奇外為學田萬曆三十

年間墓旁先後裂墜二孔內皆甄砌空澗如房甄形薄小其為古制無疑必當日從墓壙

定襄縣誌

卷之一

地理十四

穴耳四十三年知縣王立
愛豎墓碑祭告見藝文

漢

霍去病墓

西邢村西墓地無幾有斷墓碑碑文一千四字銘一百七十六字中可句讀處起云

霍姬姓今河東之襄之族謂後世漢大將軍霍君去病冠軍平陽人子死國除博陸之胄

盡于孝義然冠軍數出兵雁門上郡翔方之襄豈其有者存又云將軍同知八番順

元軍民宣撫司事霍君子萬出之襄善騎射當至元壬午元酋阿察反四川湖廣

雲南三省臣合擊省署君攝于夫長從攻會靈关破之又云制授武畧將軍順元軍民宣

撫副使久之進同知軍民宣撫司事守武節金符又云積勤四十年按幾創始克少有

見爵跡 諸侯子男秩卑獲為太史不
樹碑先茔又云嗣人後即無庸為稽以紹
緒厥猷 王父諱 整不仕又云之襄今
忻州所属邑其族 數百人以東西小霍
自別又云五里名曰西興里為茔冠軍則世
有廟祀蒙 銘曰風霆伏藏日星煌二一
儀清寧維 之祥熊砲螭張齏齒奮攘宛而
龍馴維將之良桓 嫖姚邊馳窮荒輪臺之
張慙德武皇維武節君际時興王 樹奇
霖霖道光從戎西南反側是戕匪黷武為極
其愚狂兵則 義孰其方彼強力持我仁
德將夫為將之 所劇 夷其塗亦剗其
棘既棘而夷我履我域夷莫厥居皇善厥德
卉裳冠文歲事納錫肆庸偏裨益贊其職

歸表願毛雪霜飾其孝思有事之襄載隳
嗟峩鑱刊題名 千斯世先茔之光延祐乙

定襄縣誌

卷之一

地理十五

未前翰林國史編脩官李洞譔碑內切要及
所叙流派名字殘毀殆盡必奸人私其墓旁
餘地所為恨尋獲之晚未及追窮其故耳繹
思碑義大都去病後代子孫武節君功成之
後刻石于祖茔一以彰先人之舊一以昭繼
述之光前豈其有 者存後其族 數
百人各鑿毀二字意必為子孫字也博陸侯
霍光乃去病異母弟觀博陸之冑盡于孝義
則之襄之霍為去病子孫可知也叢蒙山一
名蒙尖 有雨霽侯廟相傳為去病碑云世
有廟祀蒙下毀二字必為尖山無疑其
曰西興里為茔豈古西興即今西邢耶

元魏

爾朱瑩墓 林木村

唐

玄 奘墓

龍門村即白鹿原俗呼和尚圍詳僊釋

宋

呼延贊墓

橫山村鎮國寺後舊有碑文今廢

金

孫九鼎墓

青石村九疇九億附葬

周 鼎墓

南王村元好問撰墓表見藝文

周獻臣墓

附葬鼎側王利用撰表見藝文

薄松年墓

芳蘭村郭郭撰墓表

元

定襄縣誌

卷之一

地理十六

甄 有墓

東王村秀附葬

張安寧墓

南邢村元好問撰墓表

喬信武墓

辛安村

樊天勝墓

砂村天用附葬

姚 榮墓

東古城外廷玉附葬

李子敬墓

中霍村

國朝

郭 瑄墓

季庄村

賈 統墓

寇村

李 奎墓

張村

雷 澤墓

張村工部侍郎張頤撰墓表

吳 昂墓

南古城內禮部侍郎于鳳階撰墓表

樊 濬墓

南古城內

邢 洪墓 胡村

喬 震墓 東古城外薊州知州王遂撰墓誌通政党承志撰墓表茂亨附葬編修元思謙撰墓

誌樊啟東撰墓表

薄 徽墓 芳蘭村喬光大撰墓表

張 偉墓 南邢村大學士徐階撰墓表見藝文

薄 鸞墓 芳蘭村世佑附葬布政使王道行撰墓表

喬光大墓 牛臺山大僕寺少卿王治撰墓誌臨洮知府唐頤撰墓表見藝文

張九戩墓 南邢村王治撰墓表

定襄縣誌

卷之一

地理十六

樊啟東墓 南古城內王治撰墓表

傅納誨墓 南古城內

劉一貫墓 南邢村

鄭東暘墓 龍門村北刑科給事中萬自約撰墓表
維周附葬

鄭友周墓 龍門村南

傅應期墓 東南古城內諭德周如砥撰墓志見藝文
陶望齡撰墓表

傅新德墓 高長村吏部郎中清源王宗賢撰墓志大學士吳道南撰墓表見藝文

漏澤園 舊在城外二里許以鱗鹵不堪座骨廢棄
萬曆四十四年知縣王立爰改城北舊社稷

壇為之生員李遇春以近宅不便出城東北
鹽房頭地六畝一分六釐易之豎有碑壇記
盡准遇春畊為世業舊漏澤園地七十三畝
三分一釐見三園記久為民間侵占今以隆
慶年間步弓清量得六十畝五分六釐除堵
占二畝八分外摘一十畝八分七釐與生員
喬遷樞一十二畝與生員傅國一十二畝
與生員鄭弘胤兌城西各地改建社稷壇一
十三畝充潤國濟民侯尹鐸廟常往地改給
僧如清耕種免其徵租餘玖畝八分九釐做
舊時行義倉例給民耕種每畝歲
徵租穀三斗五升備周濟之需

古蹟

古城

魏土風記云夏后氏築或曰趙襄子义日勒起兵而築相傳通忻州劉家溝屠岸賈洞

定襄縣誌

卷之一

地理十七

呂布池

在中霍村東布捉龍馬于此故名

開門峪

縣治東南十五里一山中分相對如門或曰趙盾避下宮之難所開攷韓非子曰智伯將代仇猶而道難不通迺鑄大鐘遺仇猶之君除道將內之赤章曼枝諫不聽遂內之赤章曼枝因斷穀而驅至於齊七月而仇猶亡按仇猶即今孟縣故城又為自開

龍血石

在開門峪內趙盾避難出此見前途有龍持弓射之血染于石至今石紅類血

豫讓橋

在南邢村南事見流寓橋頭古有廟碑今廢

藏孤臺

在武峪山程嬰藏趙氏孤兒于九原程侯山諸將索急嬰與公孫杵血謀取他人嬰兒偽匿程侯出趙氏孤遠匿于武峪後人號為藏孤臺舊有保胤祠唐釋玄奘創詳仙釋

劉僊洞

縣治東南三十里詳仙釋

釣魚臺

在聖阜山下李子敬釣隱處

仙人足石

在聖阜祠內石蹟一足痕萬曆三十八年正月寒冽有數童子偶到山下見一老人

水內澡浴出水自曰冷入水自曰熱浴罢抵祠內轉翻仙人足石向下而去聞于鄉中聚

觀者數十人并力翻石乃轉

龍母洞

縣治東北三十里一山石洞口徑僅三尺鞠躬燃燈而人行數步更窄小匍匐三四十步

始厥豁有龍母像石臺石燈幽寂冷冷前行又一石口深遽莫測但聞水聲風來燈滅鄉

人祈雨持磁餅挿香其中置石台上以得水清香為響應萬曆四十三年大旱知縣王立

定襄縣誌

卷之一

地理十八

爰步禱于此使人如俗入祈俄而餅中生水浸香二寸許捧還是日果得大雨三日方止

乃新祠于洞口扁曰龍門仙胎

石佛洞

縣治東北三十五里山開一石洞石佛一堂天造不由人工

集場

在城

逢單日

神山村

廢

中霍村

逢二六九日

芳蘭鎮

逢四八日

青石村

廢

橫山村

逢四八日

南受羅村

逢二六日萬曆三十六年知縣魏從周立有碑記

風俗

舊志云地狹民貧士多廉耻之奇里鮮經營之業
勤稼穡急賦稅服用儉素閭閻謹嚴惟疾病信巫
喪祭用釋婚媾競財猶當約之以正也郡志云務
詩書多稼穡有儉素風此其槩矣邇來人心漸趨
於猾習尚日入于偷鷲悍輕生動以縊毒相圖賴
睚眦必報甘以訐告作生涯奸人魚肉善良頑民
慣逋賦稅挾制之風未熄賭博之習難瘳紡織教

定襄縣誌

卷之一

地理十九

而弗趨奢華與習漸長江河轉下砥柱安施所幸
文風寢盛質朴未亡冠紳恬雅有餘愚甿鼓腹無
事猶有陶唐之遺焉

按織紡不獨禦寒出以貿遷錢糧可藉以完納最
為厚風俗之一端萬曆四十一年知縣王立爰捐
鍤金置器具募太谷男婦數名口月給工食徧教
習織議允餘穀銀三十兩充縣本本府司知邵公
位發銀十兩佐之業費官錢不下三十餘金能者
僅百十家可嘆也餘穀銀原議止費盡十兩餘二
十兩俟完日方糴穀入倉備賑此時尚有縣本可
學作法于勤不無望于鄉士夫之倡之者